



## **UNIVERSITI MALAYSIA TERENGGANU**

### **PEKELILING PERKHIDMATAN BILANGAN 6 TAHUN 2013**

---

#### **PENUBUHAN UNIT INTEGRITI DI UNIVERSITI MALAYSIA TERENGGANU**

##### **TUJUAN**

1. Pekeliling Perkhidmatan ini bertujuan untuk memaklumkan mengenai pelaksanaan keputusan Kerajaan menubuhkan Unit Integriti sebagai *focal point* kepada pengurusan isu-isu berkaitan integriti di Universiti Malaysia Terengganu.

##### **LATAR BELAKANG**

2. Sistem tadbir urus sektor awam yang terbaik dan budaya kerja berkualiti merupakan landasan penting dalam meningkatkan keyakinan rakyat terhadap keupayaan Kerajaan melaksanakan dasar yang dimandatkan. Dalam hubungan ini, Kerajaan akan terus mengambil langkah untuk memantapkan integriti bagi menentukan penjawat awam menjunjung dan menegakkan prinsip integriti serta akauntabiliti ke arah mencapai sistem penyampaian awam yang lebih cemerlang.
3. Ke arah ini, Kerajaan telah bersetuju mewujudkan Unit Integriti di semua agensi awam. Unit ini bertujuan untuk memastikan penjawat awam mengamalkan budaya kerja unggul dengan ciri-ciri moral dan etika yang kukuh hatta meningkatkan

semangat patriotisme. Inisiatif ini akan dapat membendung salahlaku jenayah serta pelanggaran tatakelakuan dan etika organisasi di kalangan penjawat awam.

## **PENUBUHAN UNIT INTEGRITI**

4. Penubuhan Unit Integriti ini merupakan usaha kawalan dalaman oleh agensi untuk menguruskan integriti dalam organisasi. Unit ini bertanggungjawab untuk melaksanakan enam (6) fungsi teras seperti berikut:

**a) Tadbir Urus**

Memastikan tadbir urus yang terbaik dilaksanakan;

**b) Pengukuhan Integriti**

Memastikan pembudayaan, penginstitutionan dan pelaksanaan integriti dalam organisasi;

**c) Pengesanan dan Pengesahan**

i) Mengesan dan mengesahkan aduan salahlaku jenayah serta pelanggaran tatakelakuan dan etika organisasi serta memastikan tindakan susulan yang sewajarnya diambil; dan

ii) Melaporkan salahlaku jenayah kepada agensi penguatkuasaan yang bertanggungjawab;

**d) Pengurusan Aduan**

Menerima dan mengambil tindakan ke atas semua aduan/maklumat mengenai salahlaku jenayah serta pelanggaran tatakelakuan dan etika organisasi;

**e) Pematuhan**

Memastikan pematuhan terhadap undang-undang dan peraturan yang berkuatkuasa; dan

**f) Tatatertib**

Melaksanakan fungsi urus setia Lembaga Tatatertib.

5. Fungsi-fungsi sedia ada yang dilaksanakan oleh pelbagai bahagian/cawangan/unit di agensi perlu dipindahkan ke Unit Integriti ini berdasarkan kepada model Unit Integriti yang ditetapkan.

**PENARAFAN RISIKO AGENSI**

6. Suruhanjaya Pencegahan Rasuah Malaysia (SPRM) bertanggungjawab melaksanakan penarafan risiko agensi bagi menetapkan model Unit Integriti yang bersesuaian. Taraf risiko dikelaskan kepada tinggi, sederhana atau rendah. **Penarafan semula risiko** sesuatu agensi dilaksanakan setiap **tiga (3) tahun** atau **mengikut keperluan**.

**PENENTUAN STRUKTUR DAN PERJAWATAN**

7. Struktur dan perjawatan bagi Unit Integriti akan diwujudkan oleh **Bahagian Pembangunan Organisasi, Jabatan Perkhidmatan Awam Malaysia (JPA)** berdasarkan kepada penarafan risiko agensi dan **dasar perjawatan semasa**.

8. Perjawatan Ketua Unit Integriti di agensi memerlukan kelayakan Pegawai Integriti Bertauliah (*Certified Integrity Officer/CeIO*) atau lain-lain kelayakan sepertimana diiktiraf oleh Lembaga Pentauliahan Pegawai Integriti yang diurusetikan oleh SPRM. Kursus CeIO dilaksanakan oleh SPRM di Akademi Pencegahan Rasuah Malaysia (MACA).

**PENYELARASAN DAN PELAPORAN**

9. Bahagian Pengurusan Integriti Agensi, SPRM berperanan menyelaras pelaksanaan fungsi Unit Integriti. Bahagian ini turut bertanggungjawab untuk menyediakan dasar dan mekanisme pengurusan integriti di agensi.

10. Bagi memastikan keberkesanan pelaksanaan pengurusan integriti ini, Ketua Unit Integriti hendaklah mengemukakan laporan berkaitan pelaksanaannya kepada Ketua Setiausaha Kementerian/Naib Canselor dan Bahagian Pengurusan Integriti Agensi, SPRM setiap empat (4) bulan sekali iaitu sebelum 15 haribulan Mei, September dan Januari.

### **CARTA ALIRAN PENUBUHAN UNIT INTEGRITI**

11. Carta aliran penubuhan Unit Integriti agensi sektor awam adalah seperti di **Lampiran**.


### **PEMBATALAN**

13. Surat Edaran JPA rujukan JPA(S)TT.193/111 Jld.11(67) bertarikh 9 Mac 2011- "Garis Panduan Penubuhan Unit Pematuhan di Jabatan Peringkat Persekutuan dan Negeri" adalah dibatalkan.

### **TARIKH KUAT KUASA**

14. Pekeliling Perkhidmatan ini berkuat kuasa mulai **1 Ogos 2013**.

## CARTA ALIRAN PENUBUHAN UNIT INTEGRITI AGENSI AWAM



### Penarafan Risiko oleh Suruhanjaya Pencegahan Rasuah Malaysia (SPRM)

BI L	KOD	KAT	NAMA KEMENTERIAN / JABATAN	PENARAFAN
1	KPM	K	Kementerian Pendidikan - Termasuk Sekolah (KPM)	TINGGI
2	KPM	BBP	Universiti Sains Malaysia (USM)	RENDAH
3	KPM	BBP	Universiti Utara Malaysia (UUM)	RENDAH
4	KPM	BBP	Universiti Malaysia Sabah (UMS)	RENDAH
5	KPM	BBP	Universiti Teknologi Mara (UiTM)	RENDAH
6	KPM	BBP	Universiti Tun Hussein Onn Malaysia (UTHM)	RENDAH
7	KPM	BBP	Universiti Teknologi Malaysia (UTM)	RENDAH
8	KPM	BBP	Universiti Teknikal Malaysia Melaka (UTeM)	RENDAH
9	KPM	BBP	Universiti Malaysia Sarawak (UNIMAS)	RENDAH
10	KPM	BBP	Universiti Malaysia Perlis (UniMAP)	RENDAH
11	KPM	BBP	Universiti Malaysia Pahang (UMP)	RENDAH
12	KPM	BBP	Universiti Pendidikan Sultan Idris (UPSI)	RENDAH
<b>13</b>	<b>KPM</b>	<b>BBP</b>	<b>Universiti Malaysia Terengganu (UMT)</b>	<b>RENDAH</b>
14	KPM	BBP	Universiti Malaya (UM)	RENDAH
15	KPM	BBP	Universiti Islam Antarabangsa Malaysia (UIAM)	RENDAH
16	KPM	BBP	Dewan Bahasa Dan Pustaka (DBP)	RENDAH
17	KPM	BBP	Universiti Kebangsaan Malaysia (UKM)	RENDAH
18	KPM	BBP	Universiti Putra Malaysia (UPM)	RENDAH
19	KPM	BBP	Universiti Sultan Zainal Abidin (UNISZA)	RENDAH
20	KPM	BBP	Universiti Pertahanan Nasional Malaysia (UPNM)	RENDAH
21	KPM	BBP	Universiti Sains Islam Malaysia (USIM)	RENDAH
22	KPM	BBP	Pusat Perubatan Universiti Malaya (PPUM)	RENDAH
23	KPM	BBP	Universiti Malaysia Kelantan (UMK)	RENDAH
24	KPM	BBP	Majlis Peperiksaan Malaysia (MPM)	RENDAH
25	KPM	BBP	Hospital Universiti Sains Malaysia (HUSM)	RENDAH
26	KPM	BBP	Perbadanan Tabung Pendidikan Tinggi Nasional (PTPTN)	RENDAH